

# TESTAMENTO SOLIDARIO



## **Apoia unha boa causa sen prexudicar aos herdeir@s lexítimos**

Un testamento solidario é un sinxelo acto de liberdade. Non é necesario un gran patrimonio, porque calquera aportación ten impacto na atención diaria ás persoas coa síndrome de Down e discapacidade intelectual.

**Un testamento solidario** consiste en incluír a unha ou varias ONG entre os beneficiarios dunha herdanza de maneira en que non prexudique en ningún caso aos herdeir@s lexítimos.

É ademais un exemplo de coherencia cando se inclúe, ademais de aos teus, a quen tamén o precisa e desexas axudar. Por iso a lei fai posible que poidas deixar parte do legado a entidades sen ánimo de lucro como Down Galicia. **As ONG non están suxeitas ao Imposto de Sucesións**, polo que a doazón chega de maneira íntegra.

## É importante facer un testamento?

Aconséllase facer testamento para decidir o destino dos teus bens e dereitos e protexer así os intereses dos teus herdeir@s. Se non o fas será a lei quen determine quen son as persoas herdeiras forzosas e, na súa ausencia, a herdanza pasará a disposición das administracións.



## Prexudico aos herdeir@s lexítim@s facendo un testamento solidario?

Non. A lei ampara as persoas consideradas lexítimas herdeiras facendo unha **obrigada división da herdanza que as protexe**.

Deste xeito, sempre hai unha parte da herdanza que lle corresponde aos herdeir@s lexítim@s, mentres se establece outra de libre disposición, poidendo **recibilo calquera persoa ou entidade sen ánimo de lucro**. Por iso Down Galicia pode recibir doazóns sen prexudicar aos herdeir@s.



## Que faría Down Galicia co teu legado solidario?

As 7 entidades que forman **Down Galicia** teñen como **principal obxectivo mellorar a calidade de vida** de cada persoa coa síndrome de Down e discapacidade intelectual e das súas familias. Defender os dereitos destas persoas é a súa loita constante, que se afronta a través da **reivindicación da inclusión social plena** e da utilización dos recursos habituais da sociedade.

A atención diaria que ofrecen **abranguen o ciclo da vida de cada persoa**. Desde a atención temperá aos máis pequerrech@s, pasando pola inclusión educativa na escola, a formación e emprego e o envellecemento activo. Unha atención adecuada ás necesidades de cada persoa é fundamental **para que se poida vivir do xeito máis pleno e digno posible**.



## Como podo deixar un legado a Down Galicia?

Para apoiar a Down Galicia co teu legado non é necesario un gran patrimonio, porque calquera aportación, sexa en forma de fondos como de bens, **é valiosa e ten impacto na atención diaria** ás persoas coa síndrome de Down e discapacidade intelectual. Ademais, as ONG non están suxeitas ao Imposto de Sucesións, así que a doazón chega íntegra.

**É un trámite sinxelo e rápido que debes comentar cun notari@**, que che axudará na redacción dun testamento que respecte os teus desexos e os dereitos dos teus herdeir@s. Os datos necesarios para deixar parte do teu legado a Down Galicia son os seguintes:

Nome social: Federación Down Galicia.

Enderezo social: Rúa Alejandro Novo González, nº1 - 15706 - Santiago.

CIF: G15665144

## Se xa teño testamento, teño que refacelo para incluír a Down Galicia?

Si. É necesario modificar o testamento incluíndo expresamente a vontade de deixar a herdanza ou determinados bens a favor de Down Galicia.

## Queres saber máis sobre o labor de Down Galicia?

Podes coñecer máis sobre o traballo diario de Down Galicia:

Web: [downgalicia.org](http://downgalicia.org)

Enderezo: Rúa Alejandro Novo González nº1 - Santiago de Compostela

Teléfono: 981 58 11 67

E-Mail: [downgalicia@downgalicia.org](mailto:downgalicia@downgalicia.org)

Toda a información sobre as actividades e o destino dos fondos de Down Galicia **é sempre pública e podes consultala** no noso Portal de Transparencia: [downgalicia.org/transparencia](http://downgalicia.org/transparencia).

Séguenos!

